

政記

皇極至文武

三

和書門		二八六三五	類
一六	三七	架	函
冊	冊	架	函

史傳載紀

庫文閣内		和書類
三	八	冊
九	六	冊
函	三	冊
二	六	架
架	冊	架

内閣文庫	
番號	和 28635
冊數	16 (3)
函號	139 139




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





日本政記

皇極齊明天皇

諱天豐財重日足稱寶皇女敏達曾孫押阪彥人大兄孫父曰

茅渟王母吉備媛三在位四年禪位皇太弟

元年壬寅春正月天皇即位換我蝦夷為大臣如故





夏旱天皇親祈於南淵河上大雨冬十二月遷

小墾田宮

二年癸卯夏四月遷飛鳥板蓋新宮秋九月改葬舒

明天皇冬十月大臣蘇我蝦夷病子入鹿代行大

臣事立舒明帝子古入兄為皇嗣母蘇我氏



日本政記

卷之三

一

十一月入鹿遣兵襲殺山背王班鳩宮

四年己夏六月皇子中大兄與中臣鎌足及倉山田石川磨古等誅換我入鹿于大極殿遣兵討換我蝦夷蝦夷伏誅初蝦夷密欲廢帝立古人大兄故殺山背王起第宅僭擬宮城皇弟輕娶鎌足女竝稱病不出潛謀匡濟而未敢錄足知中大兄皇子可與有為會蹴鞠法興寺皇子靴脫鎌足跪奉之因得親近終告故懼其漏同受經南淵氏密議車中換我氏族倉山田磨古與入鹿有隙因使皇子與結婚又引佐伯子丸葛城綱田為援會三韓使來聘欲乘其際舉事

帝御殿入鹿侍皇子戒守門者鎖絕出入委衛士一所如將賜物自執長槍隱戶則鎌足持弓矢從焉使子丸綱田藏二劍貢櫃中而進倉山田前讀表將盡子丸等不敢發倉山田流汗聲顫入鹿怪問故對曰天威咫尺不覺乃爾皇子恐失機直入斫入鹿肩子丸斫其脚入鹿攀御座乞哀皇子伏奏曰入鹿翦滅宗室陰謀不軌臣等謹為宗廟誅逆臣帝起入內是日大雨潦水溢庭以席覆尸賜之蝦夷皇子入法興寺以兵自衛諸皇子公卿皆來從皇子令巨勢德將兵討蝦夷蝦夷悉焚圖書珍寶自殺 天皇傳位

皇太弟輕皇太弟即天皇位尊天皇曰皇祖母尊
 改元大化初帝以中大兄有功欲傳位中大兄以告
 鎌足鎌足曰古人殿下之兄不可越次輕皇子殿下
 之舅也齒德俱高不如讓焉以答民望從之輕讓於
 古人古人固辭雍髮入吉野後謀叛被誅

孝德天皇

諱天萬豐日稱輕皇極同母弟在位十年改元二曰大化曰白雉崩葬河

內大阪磯長陵

大化元年_{乙巳}夏六月立皇姪中大兄為皇太子輔政
 罷大連置左右大臣及內臣以阿部倉梯磨呂
 為左大臣蘇我倉山田石川磨呂為右大臣中臣鎌

足為內臣以高向玄理擇旻為國博士秋七月立
 間人媛為皇后三韓朝貢百濟攝任那使事其數
 有闕詔卻之遣巨勢德太古檢察任那國界詔左
 右大臣曰治國之方當遵先王之軌轍為改之務在
 於無失信於民詔臣連伴造問民所患苦具狀以
 聞八月設鐘置於闕聽有冤枉者投牒撞鐘九
 月遣使諸國錄戶口詔曰歷世天皇必置標代民垂
 名於後其臣連伴造等亦各置已民縱情驅使割水
 陸地以為己有或兼并數萬頃或無立錐地及進調
 賦先自收斂然後分進及有徵發各率已民隨專而

作方今百姓猶乏而有勢者以私地賣守百姓年索其價今後不得賣地勿妄作主兼并貧弱詔諸國造兵庫間地收兵仗繕治沿邊兵備冬十二月遷都難波長柄曰豐碩宮
二年丙午春正月宣新制詔曰大夫所使治民重其祿所以為民前代所置子代民處以屯倉及臣連伴造國造村首所在部曲田莊一切罷之賜大夫以上食封官人百姓布帛各有差始修京師每坊置長四坊置令按檢戶口督察奸非置畿內國司郡司關塞斥堠防人驛傳造鈴契畧山河定郡大中小置大領小

領主政主帳定租庸調法造戶籍制班田收授法置里長定田畝凡田長三十步廣十三步為段十段為町段租禾二束二把町租禾二十二束以拒黍中者廣為小十小為十寸為尺五尺為步三百六十步為段以容稻為中者一十二百為籬十勺為合七十合為升十升為斗十斗為石五斗而輸東二把則取米一斗一升也凡給口分田者男二段女減三分之一每六年檢戶籍班田凡庸正下歲役十日若須收庸者布二丈六尺一疋二尺六寸絹田調凡絹純絲綿並從鄉上所出田一町絹一丈四疋成匹長四丈廣二尺五寸純二丈三町成匹長廣雜絹布四丈長廣准絹純一町成

端又有戶別調一戶布一丈二尺凡調副物及贄亦從鄉土所出六月三日韓入貢大三月詔諸國司曰凡爲人上者當先正己而後正人己不正何能正人凡國司在國不得專判罪及受賄苦下民莫藉官勢取公私物宜各食部內粟騎部內馬去秋八月記諸國造納賄國司而求其利貪黷汙穢不可不治若有犯者次官以上降爵位主典以下決笞杖其贓物倍而徵之又詔定葬式勿過制申禁殉葬

有襄曰國朝之建創於神武開於崇神景行而成於應神仁德其後德衰加以雄略武烈之酷虐至

敏達用明大權下移姦臣專國微天智王業或幾乎熄矣天智奮宗室之中運謀決機親斃大姦於黼座之下即登天位天下所望而退讓遷延歷於兩朝非有曠世之度何能如此而裁定制度經緯天地以開萬世之大平蓋以武王之烈而兼周公之才稱曰中宗非溢也大凡國朝以簡質治民上下同心國如一人是國勢所以威四外也及通隋氏變質爲文殆失其故及至天智百度大定後世莫改大拙取於李唐之制而所以勝於唐氏者曰立吏簡取民廉是不失我邦固有之美也後王之

過於模倣文縟大甚務於刻剝則不達祖宗立法之意而武門之治民及使之未必不由於此雖然武治有其簡而無其廉所以不加王政也蓋神武以還國有造縣有首雖盡由朝廷撰而命之或固其舊望世襲其職者徃徃而然及至天智蕩而廓之盡郡縣之置國司焉考課易置收權朝廷蓋天子精選六十六人之吏以治萬民爲民置吏非爲吏屬民也雖然其後國司有更代而郡大小領仍或以族望爲之及關東用兵有大名小名之目亦其地方豪族多出人丁者而鎌倉割守護地頭用

其類充焉終成封建之形而天智之制泯焉是古今之大勢也而貴氏族者由於國俗雖明王之制終莫之能勝歟

九月遣使徵新羅質罷任那調

三年丁春正月觀射于朝夏四月罷難波渠役先是工人比羅夫建白穿渠通水民苦其役有人投櫃諫之即日罷之

四年戊治磐船柵備蝦夷置柵戶

五年配春二月定置八省百官制十九階冠罷古冠三月左大臣阿部倉梯磨呂薺日殺右大臣我

倉山田石川磨呂初倉山田與弟日向不協日向譏其謀逆於皇太子太子奏遣兵圍之倉山田自殺太子後悟其冤奏貶日向筑紫太宰帥 夏四月以小紫巨勢德太古為左大臣小紫大伴長德為右大臣並授大紫

白雉元年庚戌春二月穴戶獻白雉因改元復穴戶三年調役

二年辛亥秋右大臣大伴長德薨 是歲新羅入貢卻之以使者着唐冠也

五年甲寅春以大錦上高向玄理等為遣唐使 冬十

月天皇崩先是皇太子奏請遷倭京未許太子奏皇祖母尊移居焉公卿多從帝不樂欲弃位造宮山碕未成會病遂崩帝為人柔仁屢降恩敕好儒崇佛不重神道伐生國菟神社樹 冬十二月恭孝德天皇皇太子奉皇祖母尊踐祚

皇極齊明天皇 重祚在位七年崩葬大和小市岡山陵

元年乙卯春正月天皇再即位于飛鳥板蓋宮 中大兄為皇太子巨勢德太古為左大臣中臣鎌足為內臣如故 冬宮災遷川原宮

二年丙辰造岡本宮又造兩槻吉野二宮 鑿渠自香

山至石上山

四年^{戊申}春左大臣巨勢德太古薨夏越後守阿部

比羅夫率舟師百八十艘伐蝦夷降之置淳代津輕

二郡領又伐肅慎獻熊皮冬十月帝幸紀伊温

泉換我赤兄留守有間皇子有罪伏誅初有間蓄

異志以帝好興造士民怨讟因欲起亂赤兄敗之奴

執送行在賜死

五年^{己未}再伐蝦夷置後方羊蹄郡領

六年^{庚申}新羅借唐兵滅百濟百濟鬼室福信遣使獻

唐侍請迎其王子豐璋為主詔許之冬十二月帝

幸難波宮詔救百濟令駿河國造船艦

七年^{辛卯}春正月車駕至筑紫居朝倉宮秋七月天

皇崩于朝倉宮皇太子奉梓宮還難波冬十一月殯

于飛鳥川原臨九日

天智天皇諱中大兄初稱葛城皇子舒明長子母皇極齊明服喪稱制六年即位四年崩壽四十六葬山背山科陵

壬戌歲春正月皇太子素服制軍國事遣大華下

阿曇比羅夫等率兵二萬七千救百濟別令小山下

扑市秦田以兵五千護送百濟王子豐璋立為百濟

王接織冠賜金策於佐平鬼室福信給糧仗布帛

周留城進擊唐兵破之走新羅兵
 癸亥歲春二月福信獻唐俘夏六月我兵伐新羅拔
 沙鼻岐奴江城已而豐璋猜福信專權殺之以故羣
 臣不附秋九月唐將劉仁軌等水陸并刀攻周留城
 我兵拒之白江口不利退小山下朴而秦田死之明
 日復進戰敗績豐璋奔城逃高麗皇太子召諸將還
 甲子歲春改增冠位為二十六階 冬興筑紫水城
 置防烽壹岐對馬等處
 乙丑歲春追贈鬼室福信小錦下分處百濟投化民
 鬼室集斯等男女一千餘口於東國經復十年 冬

十月大閱于菟道 是歲唐使劉德高來修好

丙寅歲春二月葬皇極齊明天皇 秋大水免租調

丁卯歲春三月遷都近江滋賀 冬十一月城高安

和屋島讚岐金田對馬

元年戊辰春正月天皇即位 二月立大和姬為皇后

秋講武近江置牧馬 三韓並入貢 冬十一月

遣使新羅賜調船及絹綿葦等物 是歲唐滅高麗

二年己巳冬十月大職冠內大臣藤原鎌足薨鎌足小

德冠御食子之子系出天種子命博學有器略輔帝

定大難建制度至是車駕臨其第問疾就進官位改

賜姓及薨賜賻甚厚
 三年^{庚午}春正月制朝廷揖讓行路相避禮
 二月檢
 戶籍糾浮浪盜賊
 修高安城蓄糧
 四年^{辛未}春正月以皇子大友為大政大臣
 我赤兄
 為左大臣中臣金為右大臣
 我果安巨勢人紀大
 人為御史大夫
 夏四月始置漏刻鐘鼓
 秋九月
 天皇不豫冬十月疾甚
 使我安磨呂召皇弟大海
 人欲傳位安磨呂
 心印而愛大友
 大友因有自立心
 因私太弟曰今日答顧命
 宜有意也大海人領之乃
 入帝屬以後事辭以病
 請出家聽之退入省中佛殿

踞胡床剝髮詔賜袈裟遂入吉野立皇子大友為皇
 太子十一月左大臣赤兄等五人奉皇太子盟西殿
 再盟帝崩大炊省自鳴
 十二月天皇崩
 皇太子即天皇位
 諱大友初稱伊賀皇子
 天智長子母
 宅子媛伊賀采女在位九月崩年二
 元年^{壬午}春三月遣使筑紫告喪於唐使郭務悰等停
 其入朝
 夏五月高麗入貢
 六月大海人皇子稱
 兵吉野東走美濃留兵塞鈴鹿道遣村國男依勢
 君手等塞不破道田中足磨呂塞倉歷夫伴吹負在

大和直應之帝分遣使諸國發兵入援穗積百足等
與和京留守高坂王軍和京西發兵庫輸甲仗于近
江百足爲吹負所誘殺高阪王叛降吉野高安城陷
秋七月朝廷遣壹岐韓國大野果安拒吹負戰於乃
樂山破之遣山部王與蘇我果安巨勢人進向不
諸將不協相殺軍潰大海人遣伊勢兵助吹負與男
依三道並進韓國敗走境部藥秦友足與男依戰敗
皆死之吹負男依等合軍進至瀨田帝悉衆軍橋西
宮軍前針知尊撤橋拒之不利知尊死之大養五十
君谷鹽手等戰粟津死之諸大臣皆逃獨物部磨呂

等從帝崩于山前帝多文藝頗以此驕人人不樂
附藤原鎌足其舅也屢以爲言不悅遂及八月大海
人議朝臣罪狀斬中臣金流蘇我赤兄巨勢人等其
餘悉赦不問九月至大和居屋島

天武天皇

諱大海人天智同母弟在位十四年
改元二日白鳳曰朱鳥崩壽六十五

葬大和檜
隈大內陵

元年癸酉春二月天皇即位于飛鳥淨見原宮立鸕
野皇女爲皇后三月大赦秋七月始置不破關
二年甲戌詔凡初出身者先補大舍人然後選方授職
是歲對馬貢白金造銀錢

三年^{乙未}春二月建占星臺夏四月祭風神詔諸國定百姓貧富為三等中戶以下許貸稅
 四年^{丙子}春定諸國司任格諸臣子弟及蕃人任進格
 秋置兵政司
 五年^{丁丑}春正月大射于南門
 六年^{戊寅}詔内外文武官每歲自簡屬官住擬品階送法官覈考送大辨官
 九年^{辛巳}春二月立皇子草壁為皇太子三月詔川島忍壁二皇手撰帝紀夏四月制式九十二條定親王以下至庶人服色五月詔九百寮黃緣宮人

恭敬過甚或納賄請託者隨事罪之秋八月詔三韓投化始至者並免課役冬十月詔大山以下各上意見
 十年^{辛巳}秋八月分臣民氏族為八等擬官者雖有行能氏族不明者不得中撰
 十一年^{壬午}春二月詔大津皇子聽朝政秋八月太子吹負卒
 十二年^{甲申}夏四月令親王及諸臣官無文武務習軍事具兵馬器械有馬者為騎無者為卒以時檢閱闕者有罰冬十二月遣使巡行諸國定疆域

十三年_丙春正月改加爵位號 九月遣使諸道巡
察國司郡司能否問民疾苦 冬十一月給鑲各一
萬介於太宰府及周防總領所箭竹紙布稱之 詔
諸國穀角旗幡弓弩類藏郡廨勿置私家

朱鳥元年_丙大和獻赤雉因改元大赦 夏五月天
皇不豫 秋七月詔諸國大祓減海戶調之半免

徭役 九月天皇崩 皇太子

賴襲曰天武之於天智猶宋太宗之於太祖而其
於大友也猶明成祖之於建文也凡書記所錄以
子書父必有隱而不證以曲為直者不可盡信已

吾特怪天智不早定儲貳使太弟與太子分位疑
似所以速壬申之禍耶雖然以天智之智豈有不
慮此察之事情有難言者矣蓋天武之與天智同
為皇極之所出焉知無有如杜大右之使兄弟相
及者哉在天智之時有幸必從有大號令必使類
異日以皇子知大政其久屬中外之望者可知也
唯然是以難於立年少之大友及大友年二十四
矣乃以為大政大臣蓋欲待其名望足敵太弟然
後立為太子而不圖其俄不豫也則不能不召大
弟屬後事而諸臣已知其旨所以換我安私戒太

日本書紀卷之三
第太弟有披剝之語其無燭影斧聲之禍者幸也
大友已立為太子數與大臣詛盟而其防備太弟
周矣然適足以迫其起而決機赴會每為所先制
真建文之類耳大弟之南已有放虎之目迫亦起
不迫亦起然因其迫以激衆心如不得已者扼其
吭拊其背其敏兵機不啻過燕棣而及難定獨斬
大臣數人不問其餘則非永樂瓜蔓抄之比宜乎
能續天智之緒不失天下之望也至其脩明前制
用心武備令親王諸臣官無文武務習軍爭如逸
緒後世文武分途國勢偏枯之弊者嗚呼是文武

一所以為武也歟

皇右臨朝稱制冬十月有告失津皇子謀反賜死
流僧行心於飛彈

二年丁亥春正月皇太子率百官朝殯宮舉哀賜京

師民高年及篤癯貧困者純綿有差遣使訃新羅

秋七月令諸國負債在乙酉以前者莫收息既役

身者勿量息役之十二月為天智大皇說法會於

崇福寺

三年戊子春正月皇太子朝殯宮夏旱復諸國今年

調賦之半冬十一月葬天武天皇

四年丑春正月皇太子與皇太后御前殿朝賀

夏四月望太子草壁薨是月新羅使來吊責其無

禮卻貢獻六月頒頒令二十二卷於諸司秋閏

八月黜諸國正丁四分爲兵以時訓閱

持統天皇

小字鶺野天智第二女母蘇我遠智娘配天武奉皇太子稱制三年大子薨即位八年禪位皇太孫後五年崩壽五十八火葬飛鳥岡

元年庚春正月天皇即位大赦賜鰥寡孤獨及耆

老稻及布秋七月以高布皇子爲大政大臣丹比

島爲右大臣冬十一月始行元嘉曆儀鳳曆十

二月行幸藤原相宮地

二年辛卯春正月始置女官賜皇女內親王授命婦位

階夏自四月至六月雨

三年壬辰春先是數幸近畿至是又欲遊幸中納言直

大貳三輪高市上表切諫其妨農時三月又伏闕

冠切諫皆不納高市辭官免車駕所過諸國調役

賜國造冠位夏閏五月大水遣使稟貸遭災諸國

弛山林川澤禁

四年巳春三月詔諸國勸植桑紵梨粟蕪菁冬十

二月遣陣法博士講武諸國

五年甲午春三月置鑄錢司冬十二月遷居藤原宮

七年丙申秋高市皇子薨

八年丁酉春二月立皇孫珂瑠為皇太子時議儲羣臣

各有所主久不決葛野王進奏曰皇朝之典子孫相

兼若兄弟相及亂之端也有先太子之子珂瑠王在

誰敢問焉引削皇子欲有言玉叱之議遂定葛野大

友乎也秋八月天皇禪位於皇太子

文武天皇小名珂瑠草壁太子子母元明在位

元年丁酉秋八月天皇即位尊先帝曰太上天皇

多治比島為右大臣如故以藤原宮子為夫人藤

原不比等女詔免諸國今年田租雜徭及庸之半

優恤高年

二年戊戌夏五月敕太宰府修大野等三城秋七月

始定笞法禁游手博戲民

三年己巳夏五月流妖人役小角於伊豆秋七月多

襪夜人苑美慶感諸島人來貢

四年庚子春二月令越後佐渡修石船柵申戒諸王

諸臣共伏三月定諸國牧地夏六月敕淨大參

忍壁王及真廣壹藤原不比等撰律令

大寶元年辛丑春正月朔天皇御大極殿受百官朝賀

日本書紀 卷之三
一六
番客陪位朝廷禮儀大備。二月擇奠于大學寮。
三月對馬貢金。因改元。夏四月始講新令。使諸王
百官就習。改制官名位號。服色停賜。位冠易以位
記。親王自一品至四品。諸王羣臣自一位至八位。各
有正從第九位。曰初位。有大少四位。以上又有上下
總三十等。以夫納言阿部御主人爲右大臣。秋
七月左大臣多治比島薨。八月律令成。三品忍壁
親王正三位。藤原不比等賜物有差。是歲除田租
稅。二年^{壬寅}春頒新律度量。夏五月五日天皇觀二位

以上調馬。敕從三位大伴安磨。呂正四位下粟田
真人等參議朝政。六月以粟田真人爲遣唐執節
使。秋多藝隼人叛。薩摩國司請就國內要害建柵
置戍。冬十月詔旌奕世孝順者。門閭舉戶給復。
十二月太上天皇崩。持統是歲始開岐蘓山道。
三年^{癸卯}春正月朔廢朝。遣使巡察諸國。司治狀申
理。冤枉奏大政官。以屬式部。依令論定當罰者。屬刑
部。以三品忍壁親王知大政官事。列左右大臣上
類。襄曰國朝初有大臣尋置大連。竝開軍國之政。
蓋分其權。使無偏重也。賴我氏以外戚爲大臣。擅

政而物部氏官大連與之抗爭物部氏敗而換我
氏至行弑逆則權不分爾其後厩戶與中太兄並
以太子當朝政多經年所大友與高市並以皇子
爲大政大臣爲日淺其不委權於人臣其意一也
及至文武乃定知大政官事之目以親王爲之位
在左右大臣之上自此其後睿德宗室更膺其任
以至於聖武之初朝廷清明綱紀畢張無有權姦
壞國之事當是時朝議斟酌祖宗之意立爲至當
之制可爲後世法者夫大政大臣之名見於大友
高市前後所無蓋以爲定國儲之漸耳非可常直

之官也何則人臣大輔天子不可專管大政人臣
而管大政是弁髦天子也故特屬之親王而不敢
立官名稱知大政官事如曰是諸王也而與知此
官廳之事而已非實任其官也實任其官者則有
左右大臣仍分之也而其下有辨官有納言有外
記判事體統相屬管轄而上而天子臨決焉所以
尊人主之勢而防權柄之下移也人主不深察於
此以藤原不比等之爲外舅欲寵以大政大臣幸
而不敢拜是猶唐朝臣之不敢拜尚書令以避太
宗舊銜也如孝謙之於僧道鏡不論可矣至文德

以授藤原良房其後為帝戚者往往猥其任居之不疑然後祖宗之制一變矣再變而至武門干政有主將係此官者正以為軍事以為是非藤原氏不拜者不知藤原氏之拜已非古也噫世變至此可勝浩歎哉

夏閏四月右大臣阿倍御主人薨 秋七月詔以年穀不登災異頻見減京畿及太宰府管内調半免諸道庸 詔五位以上舉賢良方正士 冬十二月葬持統天皇始火葬 慶雲元年^{甲辰}春正月以大納言石上磨呂為右大臣

夏四月始鑄諸國印 五月大極殿西樓上慶雲見因改元賑給高年癯疾免壬寅歲以前逋稅 六月詔諸國兵士別分為十番每番教習十日令條之外勿與雜役

二年^{乙巳}夏旱大赦免諸國調半 五月知大政官事忍壁親王薨 秋飢疫遣使賑恤給鑿藥 九月以二品穗積親王知大政官事 三年^{丙午}春三月前中納言左京大夫三輪高市卒贈從三位 詔禁百官有祿者勿爭民利多占山澤侵蝕疆界

日本書紀 卷之三 十一



四年^{丁未}夏六月天皇崩遺詔舉哀三日月月除服
 秋七月羣臣奉遺詔請天智帝皇女阿閉即天皇位
 三冬十一月葬文武天皇
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十

